



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

XLVI. Erectio Collegii Theologorum in Civitate Cæsenaten.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

Curia, vel alterius personae in Dignitate Ecclesiastica constituta munitis, eadem prorsus fides in iudicio, & extra illud ubique locorum adhibendam fore, quae ipsis praesentibus adhiberetur, si forent exhibitae, vel ostensa.

§. 27. Nulli ergo omnino hominum liceat hanc paginam nostrae excommunicationis, anathematizationis, interdicti, innovationis, innovationis, declarationis, protestationis, sublationis, revocationis, commissionis, mandati, & voluntatis infringere, vel ei ausu temerario contraire. Si quis autem hoc attemperare praesumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romae apud S. Petrum Anno Incarnationis Dominicae millesimo septingentesimo vigesimo quinto, IV. Kal. Aprilis Pontificatus nostri Anno Primo.

XLV.

Conceditur Fratribus Praedicatoribus nonnullarum Provinciarum, ut Processionibus Sanctissimi Rosarii, sine Parochi interventu, & licentia Ordinarii, peragere possint.

Clem. XII. Const. ed. 1733. Apr. 10. P. 3. Confirmantur facultates celebrandi Processiones Sanctissimi Corporis Christi, & Rosarii cum confirmatione & declaratione Brevis Ben. XIII.

Dat. 10. Apr. 1725. An. 1.

BENEDICTUS PAPA XIII.

Ad futuram rei memoriam.

Proceumium.

IN supremo militantis Ecclesiae Solio meritis licet imparibus per ineffabilem divinae bonitatis abundantiam constituti exortas inter catholicos Antistites, aliasque personas Ecclesiasticas & religiosos viros controversias opportunis rationibus dirimere studemus, sicut in Domino conspicimus salubriter expedire.

Facti expositione.

§. 1. Exposuit siquidem Nobis nuper dilectus Filius Noster Augustinus S. R. E. Cardinalis Pipia nuncupat. Ordinis Fratrum Praedicatorum Administrator Generalis, quod cum in variis dicti Ordinis Provinciae nonnullae lites cum modico secularium exemplo, circa Processionem Sanctissimi Rosarii qualibet prima Dominica Mensis Octobris fieri consuetam exortae fuerint praetendentibus Ordinariis locorum, & Parochis perturbare antiquam (in qua Fratres earumdem Provinciarum reperiuntur) possessionem faciendi dictam Processionem sine Parochi assistentia, Ordinarii licentia, etiam ingrediendi limites Parochiae, & allegantibus Jus commune id prohibens, necnon quamdam resolutionem Congregationis tunc existentium S. R. E. Cardinalium Concilii Tridentini Interpretum anno 1628. emanatam, ac a fel. recor. Urbano PP. VIII. Praedecessore Nostro confirmatam, per quam immemorabilis consuetudo sublata fuit, ipse Augustinus Cardinalis, & Administrator Generalis attempto, quod in diversimode, & omnino insubstans declaratum fuit, ut in posterum ejusmodi inordinationibus, & perturbationibus, quae ex pia Processione hujusmodi generantur, finis imponatur opportune in praemissis a Nobis provideri, & ut infra indulgeri summopere desiderat.

Concessio praedicta.

§. 2. Nos ipsius Augustini Cardinalis, & Administratoris Generalis votis hac in re quantum cum Domino possumus favorabiliter annuere volentes, ejus supplicationibus Nobis super hoc humiliter porrectis benigne inclinati, Fratribus Provinciarum, & Ordinis praedictorum ut ipsi de caetero memoratam Processionem Sanctissimi Rosarii qualibet prima Dominica Mensis Octobris ingrediendo limites cujuscumque Parochiae, Ordinarii licentia minime requisita, & absque

assistentia Parochi, ac cum omni pompa peragere libere, & licite possint, & valeant, Apostolica auctoritate tenore praesentium facultatem concedimus, & impertimur.

§. 3. Decernentes easdem praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore spectabit inviolabiliter observari: sicque in praemissis per quoscumque Judices Ordinarios, & Delegatos, etiam Caesarum Palatii Apostolici Auditores, judicari, & definiti debere; ac irritum, & inane si secus super his a quocumque quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, caeterisque contrariis quibuscumque.

§. 5. Volumus autem, ut earumdem praesentium literarum transumptis, seu exemplis, etiam impressis manu alicujus Notarii publici subscriptis, & sigillo personae in Ecclesiastica Dignitate constitutae munitis, eadem prorsus fides ubique locorum tam in iudicio, quam extra illud habeatur quae ipsis praesentibus haberetur, si forent exhibitae, vel ostensa.

Datum Romae apud S. Petrum sub annulo Piscatoris die X. Aprilis MDCCXXV. Pontificatus Nostri Anno Primo.

Clausula.

XLVI.

Erigitur Collegium Theologorum in Civitate Caesatenen. cum quibusdam facultatibus.

Inn. XII. Const. ed. 1722. Aug. 19. P. 2. Erecta fuit Universitas studii generalis in Civ. S. Jacobi de Rem. de Caracas in Ind. Occid. Et hujus Const. ed. 1727. Jul. 1. P. 4. erigitur in Civit. Camerimensi.

Dat. 20. Apr. 1725. An. 1.

BENEDICTUS PAPA XIII.

Ad perpetuam rei memoriam.

Exordium.

EX injuncto Nobis divinitus Pastoralis sollicitudinis munere, sacrarum literarum, & praesertim Theologicae facultatis studia inter Christiani fideles potissimum in sortem Domini vocatos, ac Nobis, & huic Sanctae Sedi in temporalibus Subditos opportunis rationibus excitare, & promovere satagimus, ac ut debitis virtuti honoris rependatur libenter providemus, sicut ad Omnipotentis Dei gloriam, Religionis decus, & incrementum, ac Catholicae fidei praesidium cognoscimus in Domino expedire.

§. 1. Exponi siquidem Nobis nuper fecerunt dilecti filii Capitulum, & Canonici Cathedralis Ecclesiae, ac Universus Clerus Civitatis, & Diocesis Caesatenen. quod cum in Civitate Caesatenen. ultra Universitatem studii Generalis dudum inibi vigentem, in qua Sacra Theologia, Jus Canonium, & Leges Civiles, Philosophia, Logica & Medicina publice docentur, praeguntur duo Collegia, unum nempe Juristarum, & alterum Physicorum, & Medicorum, quae ex antiqua Romanorum Pontificum Praedecessorum nostrorum concessione privilegio conferendi lauream doctoralem in suis respective facultatibus fruuntur, erecta reperiuntur, solumque Collegium Theologorum destitit; Ipsi Exponentes Sacrae Theologiae studia Ecclesiae Dei, ac personis Ecclesiasticis in primis necessaria esse animadvertentes, ejusmodi Collegium Theologorum, quorum sufficiens copia in dicta Civitate nunc habetur, duodecim Doctoribus, seu Magistris constans institui, ipsique Collegio pro majori etiam eorum, & praecipue pauperum, qui dictae Sacrae Theologiae sedulam operam navaverint, commoditate, personas idoneas ad Doctoratus, seu Magisterii, aliosque gradus in eadem Sacra Theologia pro-

Causae praesentis Electionis.

Preces Capituli Caesatenen.

movendi

movendi facultatem tribui plurimum desiderent. Nobis propterea humiliter supplicari fecerunt, ut in præmissis opportune providere, & ut infra indulgere de benignitate Apostolica dignaremur.

§. 2. Nos igitur, quin in minoribus constituti Ecclesiæ Casenaten. Regimini sex annos præfui-
mus, & ex eo tempore illam, ac Clerum, Ci-
vitatem, & Dioccesim Casenaten. propensiori
semper respeximus, & etiamnum respicimus pa-
terni amoris affectu, & ad ea, quæ publicæ il-
lorum utilitati, ac decori conducibilia fore pro-
spicimus favorabiliter intendentes, ipsorumque
Exponentium votis in præmissis peculiari chari-
tate annuere volentes, ac illorum singulares
personas a quibusvis Excommunicationis, sus-
pensionis, & Interdicti, aliisque Ecclesiasticis
sententiis, censuris, & pœnis a Jure, vel ab ho-
mine quavis occasione, vel causa latis, si quibus
quomodolibet innodatæ existunt, ad effectum
præsentium dumtaxat consequendum, harum se-
rie absolventes, & absolutas fore censentes, hu-
jusmodi supplicationibus inclinati; unum in
prædicta Civitate Casenaten. Collegium Theo-
logorum, quod duodecim personis Ecclesiasticis
in Sacra Theologia Magistris, octo nimirum se-
cularibus, & quatuor cuiusvis Ordinis, Societa-
tis, Instituti Regularibus, de quorum numero
Canonicus Præbendam Theologalem in Ecclesia
Casenaten. obtinens, ac Sacræ Theologiæ in di-
cta Universitate Lector publicus nunc, & pro
tempore existentes semper esse debeant, consti-
tuatur, atque jugiter constet, auctoritate Apo-
stolica tenore præsentium sine alicujus præjudi-
cio perpetuo erigimus, & institimus.

§. 3. Præterea præfato Theologorum Colle-
gio, ut quoscumque, qui peracto studiorum
Sacræ Theologiæ curriculo, ac prævio riguroso
examine habiles, & idonei ad id reperti fuerint,
ac servatis servandis ad Doctoratus, seu Magi-
sterii, aliisque gradus scholasticos in eadem Sa-
cra Theologia promovere, eisque solita graduum
hujusmodi insignia conferre libere, & licite pos-
sit, & valeat, itaut sic promoti, & graduati om-
nibus, & singulis gratis, prærogatis, ac pri-
vilegiis fruantur, & gaudeant, quibus gaudent,
& fruuntur, qui in publicis Universitatibus ad
eisdem gradus promoti sunt, auctoritate, &
tenore prædictis concedimus, & indulgemus.

§. 4. Porro Venerabilem Fratrem modernum
& pro tempore existentem Episcopum Casena-
ten. in eisdem Collegii Theologorum Caput, &
Præsidentem cum omnibus facultatibus neces-
sariis, & opportunis, etiam professionem fidei
a promovendis, seu graduandis hujusmodi juxta
articulos a Sede Apostolica propositos emiten-
dan per se, seu suum in Spiritualibus Vicarium
Generalem recipiendi dicta auctoritate harum
serie facimus, constituimus, & deputamus, sta-
tuentes, ut Sede Episcopali Casenaten. vacante
Vicarius Capitalis præfata Ecclesiæ Casena-
ten. pro tempore legitime deputatus ejusdem
Episcopi vices in præmissis suppleat.

§. 5. Ac decernentes ipsas præsentis literas
semper firmas, validas, & efficaces existere, &
fore, suosque plenarios, & integros effectus for-
tiri, & obtinere, ac illis, ad quos spectat, &
pro tempore quomodocumque spectabit in omni-
bus, & per omnia plenissime suffragari, & ab il-
lis respective inviolabiliter observari: sicque in
præmissis per quoscumque Judices Ordinarios, &
Delegatos, etiam Caesarum Palatii Apostolici
Auditores judicari, & definiti debere; ac irri-
tum, & inane, si secus super his a quoquam qua-
vis auctoritate scienter, vel ignoranter conti-
gerit attentari.

§. 6. Non obstantibus Constitutionibus, & Or-
dinationibus Apostolicis, ac quatenus opus sit,
Civitatis, & Universitatis prædictarum, aliive
quibusvis etiam juramento, confirmatione Apo-

stolica, vel quavis firmitate alia roboratis Sta-
tutis, & Consuetudinibus; privilegiis quoque,
Indultis, & Literis Apostolicis in contrarium præ-
missorum quomodolibet concessis, confirmatis,
& innovatis. Quibus omnibus, & singulis illo-
rum tenores præsentibus pro plene, & sufficien-
ter expressis, & insertis habentes illis alias in suo
robore permanfuris, ad præmissorum effectum,
hac vice dumtaxat specialiter, & expresse dero-
gamus, cæterisque contrariis quibuscumque.

§. 7. Volumus autem, ut earundem præsen-
tium Literarum transumptis, seu exemplis etiam
impressis, manu alicujus Notarii publici subscrip-
tis, & sigillo personæ in Ecclesiastica dignitate
constitutæ munitis, eadem prorsus fides ubique
locorum tam in Judicio, quam extra illud ha-
beatur, quæ haberetur ipsis præsentibus, si fo-
rent exhibitæ, vel ostensæ.

Datum Romæ apud S. Petrum sub Anno
Piscatoris die XX. Aprilis MDCCXXV. Pontifi-
catus Nostri Anno Primo.

Confirmatur Decretum quoddam Consultæ Ge-
neralis Clericorum Regularium Ministrantium
infirmis, pro Hispaniæ Provincia.

Inn. XII. Const. ed. 1693. Maji 13. P. 2. Confir-
matur erectio nove Provinciæ Hispan. eorundem
Clericorum cum redintegratione Provinciæ Benon.

BENEDICTUS PAPA XIII.

Ad futuram rei memoriam.

EXPOI Nobis nuper fecit dilectus Filius Fran-
ciscus Pecrez Moreno Congregationis Cleri-
corum Regularium Ministrantium Infirmis pro
Provincia Hispaniæ Consultor Generalis, quod
Religiosi dictæ Provinciæ fere ab initio ejus fun-
dationis usque ad hæc tempora consueverunt, &
quasi pro lege incumbere fideliter doctrinæ San-
cti Thomæ Aquinatis, & ob id Provinciæ hujus-
modi studiosi multorum annorum spatio scholas
publicas Ordinis Fratrum Prædicatorum in Uni-
versitate studii generalis complecten. frequenta-
runt, & quia in his novissimis temporibus aliqui
ex dictis Religiosis Scholam Thomisticam ad ef-
fectum amplectendi contrariam deserere molie-
bantur, dictus Franciscus ab ejus superiore Ge-
nerali una cum consulta Decretum, per quod
cum præcepto formali injungitur omnibus præ-
dictæ Provinciæ Religiosis ut eorum laudabilem
morem addiscendi religiose eandem Doctrinam
S. Thomæ retineant, formari obtinuit, teno-
ris, qui sequitur, videlicet.

§. 2. Reperitur in actis Consultæ Generalis Cle-
ricorum Regularium ministrantium Infirmis Decre-
tum sequens. Nobis exploratum sit aliquem ex no-
stris in Hispania a Scholis ex Doctrina Angelici Præ-
ceptoris discessum moliri; Nos quibus cordi est ea,
quæ ad studiorum incrementum, & felicitatem per-
tinent pro viribus adimplere, illamque doctrinam il-
lic addisci, & doceri, quam nostri tum Collegiales,
tum Lectores e solis D. Thomæ Fontibus hæcenus
ebiberunt; His aliisque gravissimis causis permoti, &
ne quis sub quovis prætextu audeat, contra lauda-
bilem Præcorum consuetudinem, ibi adhuc vigentem,
alio divertere: omnibus, & singulis ex Nostri Phi-
losophiæ, & Theologiæ studiis operam navantibus
præsentibus, & futuris districte mandamus, etiam
sub formali præcepto Sanctæ obedientiæ, cujus vio-
lationis absolutionem soli Reverendissimo P. Nostro
Generali pro tempore reservamus, ut in posterum ad
prædictam dumtaxat Doctrinam incumbant, & sive
in nostris, sive in cuiusque Universitatis Scholis il-
lam unice doceant, addiscant, & defendant. Man-
dantes insuper Provinciali aliisque quibuscumque pro
tempore Hispaniarum Superioribus quacumque di-

Erectio præ-
dicta.

Concessio
quorundam
facultatum.

Deputatur
Episc. Casena-
ten. Præses
ejusd. Colle-
gii.

Clausulæ.

Cum dero-
gatoriis.

XLVII.

Dat. 27. Apris
1725. An. 1.

Expositio
facti.

Decretum
prædictum.